



## **1. Tschanteda dal cussagl cumünel in mardi, ils 15.1.2013 a las 16.00 in chesa cumünela S-chanf**

**Presidi:** Duri Campell

**Preschaints:** Gian Andrea Bott, Ines Barblan, Gian Fadri Largiadèr, Paolo Bernasconi

**Absaints:**

**Actuar:** Duri Schwenninger

---

### **Tractandas:**

1. Protocol
2. 7.900 Planisaziun locala, revisiun totela
3. 9.999 Varia

La glista da tractandas vain approveda sainza objecziuns.

**Protocol:** Il protocol da la tschanteda dals 19.12.2012 vain approvu unanimamaing.

### **1 7.900 Planisaziun dal territori cumünel Planisaziun locala, revisiun totela**

Per quista tractanda es preschaint il giurist Stefan Metzger per der eventuelas spiegaziuns giuridicas. Il cussagl vo tres il prüm ils differents plans da zonas e plans d'avertüra generels e propuona ils seguaints müdamaints:

#### **Plan da zonas e plan da furnaziun generel S-chanf**

Parcella nr. 277, zona da misteraunza

La parcella nr. 277 es gnida müdeda da la zona per edifizis publics illa zona da misteraunza. Siand cha la müdeda da zona es prubabel ün sbagl, respectiv nu fo sen propuona il cussagl d'adatter in quel lö il plan da zonas.

Parcella nr. 282, zona d'agricultura

Il cussagl decida cun 3 cunter 2 vuschs da propuoner a la radunanza da prevzair la parcella nr. 282 in Serlas scu zona per l'utilisaziun futura da construcziun per la zona da misteraunza.

## **Plan da zonas e plan da furmaziun generel Cinuos-chel / Chapella**

Zona da vegl innò abiteda Cinuos-chel

Il cussagl decida cun 3 cunter 2 vuschs da lascher la zona da vegl innò abiteda a Cinuos-chel scu fin co, respectivmaing da na piglier our da la zona e da na cumpenser quel terrain. Impü dess gnir pretais per Cinuos-chel ün dovair da furmaziun dal plan da quartier.

Tar la lectüra da la ledscha da fabrica propuona il cussagl ils seguaints müdamaints:

Art. 26, zona per la protecziun da l'aspet dal lö

A la proposta da stricher l'alineia 4 refüsa il cussagl cun 3 cunter 2 vuschs

Art. 27, zona da lös süts

Il cussagl decida da stricher l'alineia 3, siand cha quella as basa sün ün'orientaziun e nu fo sen.

Art. 58, piazzas da camper; piazzas per staziuner tendas, rulottas ed auto-rulottas

Il cussagl decida da propuoner da stricher l'ultima frasa da l'alineia 1 "Piazzas per staziuner rulottas ed auto-rulottas vegnan be permissas illa zona da camping", siand cha füss il priivel cha la regulaziun gniss incletta sbaglieda e nu füss pussibel d'inverner üna rulotta sün terrain privat.

A las 21.15 vain la tschanteda alveda.

In buna fè

L'actuar:

***D. Schwenninger***